

唐記卷第一百七十八

貢舉一

總敘進士科

進士歸禮部

府解

諸州解

試雜文

內出題

放雜文榜

放榜

五老榜

謝恩

期集

過堂

題名

關試

讌集

總敘進士科

進士科始於隋大業中盛於貞觀永徽之際縉紳雖位極人臣不由進士者終不為美以至歲貢恒不減八九百其推重謂之白衣公卿又曰一品白衫其艱難謂之三十老明經五十少進士其負侗儻之才變通之術蘇張之辨說荆聶之膽氣仲由之武勇子房之筆畫弘羊之書算方朔

之談諧成以是而晦之修身慎行雖處子之不若其有老  
死於文場者亦無所恨故有詩曰太宗皇帝真長筭賺得  
英雄盡白頭李肇曰進士為時所尚久矣是故俊人由此  
出者終身為文人故爭名常切為時所弊其都會謂之舉  
場通稱謂之秀才投刺謂之鄉貢得第謂之前進士互相  
推敬謂之先輩俱捷謂之同年近年及第未過關試皆稱  
儀常有知聞近過關試儀以一篇記之日短行軸下付三  
銓休把新街惱必先今日便稱前進士好留春色與明年  
有司謂之座主京兆府考而升者謂之等第外府不試而  
貢者謂一拔解然拔解亦須預託人將試相保謂之合保  
為詞賦非謂白薦羣居而賦謂之私試造請權要謂之關節激揚聲價謂之  
還往既捷列姓名於慈恩寺塔謂之題名大讌於曲江亭  
子謂之曲江會曲江大會有關試後亦謂聞喜宴後籍而  
同年各有所之亦謂之為離會可也

入選謂之春闈不捷而醉飽謂之打罷耗匿名造榜謂之  
無名子退而肄業謂之過夏執業以出謂之夏課挾藏入  
試謂之書策此其大略者也其風俗繫於先達其制置存  
於有司雖然賢者得其大者故位極人臣常十有三三登  
顯列十有六七而元魯山張睢陽有焉劉關元修有焉出  
國

進士歸禮部

俊秀等科此皆考功主之開元二十四年員外郎李昂性  
不容物乃集貢士與之約曰文之美惡悉之矣考校取檢  
存乎至公如有請託於人當悉落之昂外舅常與進士李  
權鄰居相善遂言之於昂昂果怒集貢人數權之過權謝  
曰人或猥知竊聞於左右非求之也昂因曰觀衆君子之

文信美矣然古人云瑜不掩瑕忠也其詞或有不典雅與衆詳之若何皆曰唯權出謂衆曰向之言其意屬我也昂意在此吾落必矣又何籍焉乃陰求昂瑕他日昂果摘權章句小疵勝于通衢以辱之權拱而前謂昂曰禮尚往來斷文之不臧既得而聞矣而執事昔以雅什嘗聞於道路愚將切磋可乎昂怒而應曰有何不可權曰耳臨清渭洗心向白雲閑豈執事之詞乎昂曰然權曰昔唐堯老耄厭倦天下將禪許由由惡聞故洗耳今天子春秋鼎盛不揖讓於足下而洗耳何哉昂聞惶駭訴於執政謂權狂不遜遂下權吏初昂強復不受囑請及有勢位求者莫不允從由是廷議以省郎位輕不足以伏多士乃命吏部侍郎車知焉

出據  
言

### 府解

京兆府解送自開元天寶之際率以在上十人謂之等第必求名實相副以滋教化之源小宗伯倚而選之或悉中第不然十得其七八苟異於是則往往牒貢院請放落之由暨咸通乾符則爲形勢吞爵臨制近同及第得之者首相誇託車服多侈靡不以爲僭仍期集人事真實之士不復齒矣所以廢置不定職此之由

出據  
言

### 諸州解

同華解與京兆無異若首送無不捷者元和中令狐楚鎮三峯時及秋賦榜云特置五場試蓋詩歌文賦帖經爲五常年以清要詩題求薦者率不減十數人其年莫有至者雖不遠千里而來聞是皆寢去惟盧弘正獨詣華請試公

命供帳酒饌侈靡於往時華之寄客畢縱觀於側弘正自謂獨步楚命日試一場務精不務敏也弘正已試兩場馬植下解狀植將家子從事輩皆竊笑楚曰此未可知既而試登山採珠賦畧曰文豹且異於驪龍採斯疎矣白石又殊於老蚌割莫得之楚大伏其精當遂奪弘正解頭後弘正自丞郎使判鹽鐵俄而為植所據弘正以手札戲植曰昔日華元已遭毒手今來離務又中老權大中中紇干峻與魏鏗爭府元而紇干屈居其下翌日鏗暴卒時又泉方銷南海由是為無名子所謗曰離南海之日應得數斤當北鬪之前未銷一捻因此峻兄弟皆罷舉皆斯于時號張三頭進士狀頭宏詞救頭京兆解頭

試雜文

垂拱元年吳道古等二十七人及第榜後救批云略觀其策並未盡善若依今式及第者惟止一人意欲廣收通滯並許及第後至調露二年考功員外劉思立奏議加試帖經與雜文文高者放入策等以刑天革命事復言循至神龍二年方行三場試故恒列詩賦題目於榜中矣出據言

內出題

開成中高誥知舉內出霓裳羽衣曲賦太學創四石經詩進士試詩賦自此始也出盧氏雜說

放雜榜文

常袞為禮部判雜文榜後云他日登庸心無不銳通宵絕筆恨即有餘所放雜文過者常不過百人鮑祭酒防為禮部帖經落人亦甚時謂之常雜鮑帖出載

放榜

貞觀初放榜日太宗私幸端門見進士於榜下綴行而出喜謂侍臣曰天下英雄入吾彀中矣進士榜頭豎粘黃紙四以種筆淡墨袞轉書曰禮部貢院四字或曰文皇頃以飛帛書之又云象陰注陽受之狀進士舊例於都省御考試南院放榜南院乃禮部主事受領文書於此張榜牆乃南院東牆也別築起一堵高丈餘外有墀垣未辨色即自北院將榜就南院張之元和六年為監生郭東里決破棘籬籬在墀垣之下南院正門外亦有之坼裂文榜因之後來多以虛榜白省門而出正榜亦稍出據

又

鄭薰知舉放榜日唯舍人畢誠到宅謝恩至蕭倣放榜日

朱紫及門時論謂之雜說

五老榜

天復元年杜德祥榜放曹松王希羽劉象柯崇鄭希顏等及第時上新平內難聞放新進士喜甚詔選中有孤貧人宜令以名聞特教授官故德祥以松等塞詔各授校正制略曰念爾登科之際當予反正之年宜降異恩各膺寵命松舒州人學賈司倉為詩此外無他能時號松啓事為送羊脚狀希羽歙州人詞藝優博松希羽甲子皆七十餘象京兆人崇希顏閩人皆以詩卷及第亦俱年逾耳順矣時謂五老榜出據

謝恩

放榜後狀元已下到主司宅門下馬綴行而立斂名紙通

呈門人並敘立於階下北上東向主司列席褥東面西向  
主事揖狀元已下與主司對拜拜訖狀元出行致詞又退  
著行各拜主司答拜拜訖主司云請諸郎君敘中外狀元  
已下各齒敘便謝恩餘人如狀元禮禮訖主事云請狀  
元曲謝名第第幾人謝衣鉢衣鉢謂得主司名第其或與  
主司先人同名第即謝大衣  
鉢如踐世科謝訖即感泣而謝登塔即狀元與主司對座于時公卿來看  
皆南行敘座飲酒數巡便起赴期集院或云此禮部不恒  
即有於都省至謝  
公卿來看者或不三日後又曲謝其日主司方一一言及  
薦導之處俾其各謝挈維之力苟特達而取亦要言之矣  
言

期集

謝恩後方詣期集院大凡未教下已前每日期集兩度詣  
主司之門然三日後主司堅請已即止同年初到集所  
司所由輦參狀元後更參衆郎君拜訖俄有一吏當中庭  
唱曰諸郎君就坐雙東隻西其罰不少又出抽名紙  
錢每人十貫文其錄名紙見狀元鋪底錢自狀元已下  
於衆中擲抽三五箇便出此錢俄  
每人三十貫文出抽

過堂

敕下後新及第進士過堂其日圍目先於光範門裏東  
供帳備酒食同年於此候宰相上堂後人于時主司亦  
命召知兩三兩人會於他處此筵罰錢不少宰相既集堂  
吏來請名紙生徒隨座主至中書宰相橫行都堂門裏敘  
立堂吏通云禮部某姓侍郎領新及第進士見相公俄而  
有一吏抗聲屈主司及登階長揖而退立於門側東向然

後狀元已下敘立階上狀元出行行致詞云今月某日禮部放榜某等幸忝成名皆在相公陶鎔之下不任感懼狀元在左右即言揖退位乃自狀元已下一一自稱姓名訖堂吏云典客主司復長揖領生徒退詣舍人院主司攔入舍人公服鞞鞋延接主司然舍人禮貌謹敬有加隨事敘杯酒然於階前補席褥舍人登席諸生皆舍人答拜狀元出行致詞答拜又拜如初便出於廊下候主司出一揖而已當時詣宅謝恩便致飲席出據

### 題名

神龍已來杏園宴後皆於慈恩塔下題名同年中推一善書者已時他有將相則朱書之及第後知聞或遇未及第時題名處則為添前字故昔人有詩云會題名處添前字

出據

### 關試

部員外於南省試判兩節試後授春關謂之關試諸生謝恩其日稱門生謂之一日門生自此方屬吏部矣

### 讌集

曲江亭子安史未亂前諸司皆有列於岸許幸蜀之後皆盡於兵火矣唯尚書省亭子存焉進士關讌常寄其間既徹饌則移樂泛舟都為匝例宴前數日行市駢闐於江頭其日公卿家傾城縱觀於此有若東榻之選者十八九鉅車珠幕櫛比而至或曰乾符中薛能為大京兆尹楊知至將攜家遊致書於能假舫子已為新人所假能答書曰已為四十子之鳩居知至得書怒曰昨日郎吏敢此無禮能



自吏部郎中拜京兆少尹權知大尹開成五年李景讓中  
勝於時止在諒闇乃放新人游宴率常雅飲詩人趙嘏以  
詩寄之曰天上高高月桂叢 明三十一枝風滿懷春色  
向人動遞路亂花迎馬紅鶴馭迴飄雲雨外蘭 不在管  
絃中居然自是前 何必青樓倚翠空寶曆楊嗣復具  
慶下繼放兩榜時於陵自東洛入覲嗣復率生徒迎於潼  
關既而大宴於新昌里第於陵與所執坐於正寢公領諸  
生翊坐於兩序時元白俱在皆賦詩於席上唯刑部侍郎  
楊汝士詩後成 覽之失色詩曰隔坐應須賜御屏盡  
將佃翰入高冥文章舊價留鴛掖桃李新陰在鯉庭 歲  
生徒陳賀宴一時良史盡傳馨當時疏傳雖云盛詎有茲  
醉醪醺汝士其日大醉歸來謂子弟曰我今日壓倒

白出據  
言

太平廣記卷第一百七十九

貢舉二

杜正玄

李義琛

陳子昂

王維

楊瑄

蕭穎士

喬彝

許孟容

張正甫

閻濟美

潘炎

令狐峒

熊執易

杜正玄

隋仁壽中杜正玄正藏正倫俱以秀才擢第隋代舉進士

總一十人正倫一家三人出談賓錄

李義琛

武德五年李義琛與弟義琰三從弟上德同年三人進士  
義琛等隴西人世居鄴城國初草創未定家業素貧乏與

上德同居。子從姑定省如親焉。隨計至潼關。遇大雪逆旅不容。有咸陽商人見而憐之。延與同寢。居數日。雪霽而去。琛等議請驢以一醉。酬之。商人竊知不辭而去。復先贈以稻糧。琛後宰咸陽。召商人與之抗禮。親厚位至刑部侍郎。唯州長史王琰相高宗。上德可門郎中。出據言

### 陳子昂

陳子昂蜀射洪人。十年居京師。不為人知。時東市有賣胡琴者。其價百萬。日有豪貴傳視無辨者。子昂突出於衆。謂左右可輦千緡。以之衆咸驚問曰。何用之。答曰。余善此樂。或有好事者曰。可得一聞乎。答曰。余居宣陽里。指其第處。并具有酒。明日專候。不唯衆君子榮顧。且各宜邀召。聞名者齊赴。幸遇也。來晨集者凡百餘人。皆當時重譽之士。

昂大張讌席。具珍羞。食畢起。捧胡琴當前。語曰。蜀人陳子昂。有文可軸。馳走京穀。碌碌塵土。不爲人所知。此樂賤工之役。豈愚留心哉。遂舉而棄之。昇文軸兩案。遍贈會者。會既散。一日之內。聲華溢都。時武攸宜爲建安王。辟爲記室。後拜拾遺。歸覲爲假簡所害。出獨異記

### 王維

王維右丞。年未弱冠。文章得名。性閑音律。妙能琵琶。遊歷諸貴之間。尤爲岐王之所眷重。時進士張九臯聲稱籍甚。客有出入公主之門者。爲其地公主以詞牒京兆試官。令以九臯爲解頭。維方將應舉。言於岐王。仍亦庇借。岐王曰。貴生之強。不可力爭。吾爲子畫焉。子之舊詩清越者。可錄十篇。琵琶新聲之怨切者。可度一曲。後五日至。吾維即依

命如期而至岐王謂曰子以文士請謁貴主何門可見哉  
子能如吾之教乎維曰謹奉命岐王乃出錦繡衣服鮮華  
奇異遣維衣之仍令齊琵琶同至公主之第岐王入曰承  
貴主出內故攜酒樂奉醺卽令張筵諸伶旅進維妙年潔  
白風姿都美立於行公主顧之謂岐王曰斯何人哉答曰  
知音者也卽令獨奉新曲聲調哀切滿坐動容公主自詢  
曰此曲何名維起曰號鬱輪袍公主大奇之岐王因曰此  
生非止音律至於詞學無出其右公主尤異之則曰子有  
所爲文乎維則出獻懷中詩卷呈公主公主旣讀驚駭曰  
此兒所誦習常謂古人佳作乃子之爲乎因令更衣昇  
之左右維風流蘊藉語言諧戲大爲諸貴之欽矚岐王因  
曰若令京兆府今年得此生爲解頭誠爲國華矣公主又  
曰可不遣其應舉岐王曰此生不得首薦義不就試然  
承貴主論託張九臯矣公主笑曰何預兒事本爲他人所  
託顧謂維曰子誠取當爲子力致焉維起謙謝公主則召  
試官至一遣宮婢傳教維遂作解頭而一舉登第矣及爲  
太樂丞爲伶人舞黃師子坐出官黃師子者者非一人不  
舞也天寶末祿山初陷西京維及鄭虔張通等皆處賊庭  
洎尅復俱囚宜楊甲楊國忠舊宅崔圓因召於私第令  
畫數壁當時皆以圓動貴無二望其救解故運思精巧頗  
絕其皆後由此事皆從寬典至於貶黜亦獲善地今崇義  
里竇丞相易直私第卽圓舊宅也畫尚在焉維累爲給事  
中祿山授以僞官及賊平凡縉爲北都副留守請以已官  
爵贖之由是免死累爲尚書右丞於藍田置別業留心釋

楊暄

楊國忠之子暄舉明經禮部侍郎達奚珣考之不及格將黜落懼國忠而未敢定時駕在華清宮珣子撫為會昌尉珣遠召使以書報撫令候國忠具言其狀撫既至國忠私第五鼓初起列火滿門將欲趨朝軒蓋如市國忠方乘馬撫因趨入謁於燭下國忠謂其子必在選中撫益微笑意色甚歡撫乃白曰奉大人命相君之子試不中然不敢黜退國忠却立大呼曰我兒何慮不富貴豈藉一名為鼠輩所賣耶不顧乘馬而去撫惶駭遽奔告於珣曰國忠恃勢倨貴使人之慘舒出於咄嗟何以校其曲直因致陷於上第既為戶部侍郎珣纔

即轉吏部侍郎與同

暄話於所親尚嘆已之淹徊而謂珣遷

公速雜錄

蕭穎士

蕭穎士開元二十三年及第恃才傲物曼曼北常自攜一壺逐勝郊野偶憇於逆旅獨酌獨吟會有風雨暴至有紫衣老人領一小僮避雨於此穎士見之散冗頗肆陵侮遂巡風定雨霽車馬卒至老人上馬呵殿而去穎士倉忙覘之左右曰吏部王尚書尚書穎士常造門未之面極驚愕明日具長牋造門謝丘命引至廡下坐責之且曰所恨與子非親屬當以訓之耳頃日子負文學之名踞忽如此止於一第乎穎士終揚州功曹出明皇雜錄

喬彞

喬彞京兆府解試時有二試官彞日午扣門試官令引入

則已聽醉視題曰幽蘭賦彞不肯作曰兩箇漢相一作得  
此題速改之遂改渥洼馬賦口此可矣奮筆斯須以成警  
句云四蹄曳練翻瀚海之驚瀾一噴生風下湘山之亂葉  
便欲首送京兆曰喬彞崢嶸甚以解副薦之可也出幽閒

許孟容

許孟容進士及第學究登科時號錦襖子上著蔡京  
與孟容同出撫

張正甫

李丞相絳先人為襄州督部方赴舉求鄉薦時樊司空澤  
為節度使張常侍正甫為判官主鄉薦張公知絳有前途  
啓司空曰舉人中悉不如李秀才請只送一人諸人之資  
悉以奉之欣然允諾又薦絳弟為同舍郎絳感澤殊常之

恩不十年登庸澤之子宗易為朝官人問宗易之文於絳  
絳戲而答曰益代時人因以益代為口實相見論文必曰  
莫是李三益代否及絳為戶部侍郎也常侍為本司郎中  
因會把酒請侍郎唱歌李終不唱而哂之滿席大噱出嘉話錄

閻濟美

閻濟美前朝公司卿許與定分一志不為某三舉及第初  
舉劉單侍郎下雜文落第第二舉坐王侍郎雜文落第某當  
是時年已踰登常於江激徃徑山欽大師處問法是春某  
既下第又將出關因獻坐主六韻律詩曰寒謬王臣直文  
明雅量全望鑪金白躍應物鏡何偏南國幽沈盡東堂禮  
樂宣輪今遊異士更昔至公年芳樹歡新景青雲泣暮天  
唯愁鳳池拜孤賤更誰憐座主覽焉問某今年何者退落

具以實告先榜落第座主赧然變色深有遺才之歎乃曰  
所投六韻必展後効足下南去幸無疑將來之事某遂出  
關秋月江東求薦名到省後兩都置與主已在洛下北  
某到洛更無相知便投跡清化里店屬時物翔貴囊中但  
有五縑策蹇驢而已有舉公盧景莊已爲東府首薦亦同  
處焉僕馬甚豪與某相揖未交一言久乃問某曰閣子自  
何至止對曰從江東來敬奉不敢怠景莊一旦除暮醉歸  
忽蒙問某行第乃曰閣二十消息絕如景莊大險某對曰  
不然必先大府首薦聲價已振京洛如其遠地一送豈敢  
望有成哉景莊曰足下定矣十一月下旬遂試雜文十二  
月三日天津橋放雜文榜景莊與某俱過其日苦寒是月  
四日天津橋作鋪帖經景莊尋被絀落某具前白主司曰

某早留心章句不工帖書必恐不及格主司曰可不知禮  
聞故事亦許詩贖某致詞後紛紛去留某又遽前白主司  
曰侍郎開將勸之跣訐作詩贖帖未見題出主司曰賦天  
津橋望洛城殘雪詩某只作得二十字某詩曰新霽心城  
端千家雪寒未收清禁色偏向上陽殘已聞主司催約  
詩甚急日勢又晚某告主司天寒冰凍書不字便聞主  
司處分得句見在將來主司一覽所納稱賞冉三遂唱過  
其夕景莊和賀云前與足下並鋪試蜡日祈天宗賦竊見  
足下用魯血對衛賜據義衛賜則子貢也足下書衛賜作  
駟馬字唯以此半夢耳某聞是說及思之實作駟馬字意  
甚惶駭比榜出某濫泰第與狀頭同參座主座主曰諸公  
試日天寒急景寫札雜文或有不如下法今恐文書到西京

須呈宰相請先輩等各買好紙重來請印加法寫淨送納  
抽其退本諸公大喜及來撰，却請出駟字上朱點極大  
座主還闕之日獨揖前曰春間遣才所投六韻不敢慙忘  
聊副素約耳出乾  
騏子

潘炎

侍郎潘炎進士榜有六異，遂為朱泚太子王表為李納  
女壻彼呼為駟馬趙博宣為異定押衙袁同直入番為  
阿師竇當二十年稱前道士奚某亦有事時謂之六差竇  
常新及第薛某給事宅中逢桑道茂給事曰竇秀才新及  
第早晚得官桑生日二十年後方得官一坐皆晒不信然  
果耳五度奏皆救不下即攝職數回其如命何出嘉  
話錄

令狐岍

大曆十四年改元建中禮部侍郎令狐岍下二十二人及  
第時執政間有怒薦託不從勢擬頃覆岍惶恐甚因進其  
私書上謂岍無良放榜日竄逐不得與生徒相面後十年  
門人田敦為明州刺史岍量移本州別駕敦始使深謝恩  
之禮出機  
言

熊執易

熊執易通於易義建中四年侍郎李紘試易簡知險阻論  
執易端座剖析傾動場中一舉而捷出國  
史補

太平廣記卷第一百七十九



太平廣記卷第二十九 貢舉三

常袞 宋濟 牛錫庶

崔元翰 湛賁 尹極

李程 蔡南史 牛僧孺

楊虞卿 苗纘 費冠卿

李固言 殷堯藩 施小吾

張正甫 馮陶 張環

相三喜

常袞

唐德宗 即位宰相常袞為福廷觀察使治其地袞以辭

進鄉縣 民有能讀書作文辭者親與之為主客之禮觀

遊宴饗必召與之時未幾皆化翕然於時歐陽詹獨秀出

袞加敬愛諸生皆推服閩越之人舉進士繇詹始也詹死於國子四門助教隴西李翱為傳韓愈作哀辭出韓愈歐陽詹哀詞

宋濟

唐德宗微行一日夏中至西明寺時宋濟在僧院過夏上忽入濟院方在窻下特鼻葛巾抄書上曰茶請一椀濟曰鼎水中煎此有茶味請自潑之上又問曰作何事業兼問姓行濟云姓宋第五應進士舉又曰所業何曰作詩又曰聞今上好作詩何如宋濟云聖意不測語才竟忽從輦遞到曰官家官家濟惶懼待罪一曰宋五大坦率後禮部放榜上命內臣看有濟名使迴奏無名上曰宋五又坦率也

出盧氏小說

或有客譏宋濟曰白袍子何紛紛濟曰為朱袍紫袍紛紛

耳出國史補

牛錫庶

牛錫庶性靜退寡合累舉不舉貞元元年因問日者曰君明年合狀頭及第錫庶但望隅中一第爾殊不信也時八月未命主司偶至少保蕭昕宅前值昕杖策將獨遊南園錫庶遇之遽投刺并贄所業昕獨居方思賓友甚喜延與之語及省文卷再三稱賞因問曰外間議者以何人當知舉錫對曰尚書至公為心必更出領一歲昕曰必不見命若君即狀頭也錫庶起拜謝復坐未安忽聞馳馬傳呼曰以書知舉昕遽起錫庶復再拜曰尚書適已賜許皇天實聞斯言昕曰前言期矣明年果狀頭及第逸

崔元翰

崔元翰為楊炎所引欲拜補闕懇曰願舉進士由此獨步  
場中然不曉程試先求題目為地崔教知之旭日都堂始  
開教盛氣自主司曰若出白雲起封中題教請退主司為  
其所中卒愕然換之是歲二崔俱捷出國史補

湛黃

彭伉湛黃俱袁州宜春人伉妻又湛姨也伉舉進士擢第  
湛猶為縣吏妻族為置賀宴皆官人名士伉居席之右一  
座盡傾湛至命飯於後閣湛無難色其妻忿然責之曰男  
子不能自勵窘辱如此復何為容湛感其言孜孜學業未  
數載一舉登第伉常侮之其時伉方跨驢縱遊於郊郭忽

有家出據馳報湛郎及

以失聲而墜故袁人謔曰湛貴

第彭伉落驢出據

極

貞元七年杜黃出據知舉聞尹極時名籍籍乃微服訪之問  
場中名士極唯唯黃裳乃具告曰某即今年主司也受命  
久矣唯得一人其他不能盡知敢以為請極聳然謝曰既  
辱下問敢有所隱即言子弟有崔元略孤進有沐藻令狐  
楚數人黃裳大喜其年極狀頭及第試珠還合浦賦藻賦  
成忽假寐夢人告曰何不敘珠來去之意既寤乃改數句  
又謝恩黃裳謂藻曰敘珠來去如有神助出闕川名士傳

李程

李程貞元中試日五色賦先榜落矣初出試楊於陵省宿

歸第遇程於省門詢之所試程探靴鞞中得賦藁示之其  
破題曰德動天鑒祥開日華於陵覽之謂程曰公今須作  
狀元翌日雜文無名於陵深不平乃於故冊子末繕寫而  
斥其名氏攜之以詣主文從容給之曰侍郎今者新賦試  
奈何用舊題主文辭以非也於陵曰不止題目向有人賦  
此韻脚亦同主文大驚於陵乃出程賦示之主文歎賞不  
已於陵曰當今場中若有此賦侍郎何以待之主文曰無  
則已有卽非狀元不可也於陵曰苟如此侍郎已遺賢矣  
此乃李程所作亟命取程所納面對不差一字主文因而  
致謝謀之於陵於是擢爲狀元前榜不復收矣或云出程  
榜重收  
後出鎮大梁聞浩虛舟應宏詞復賦此題頗慮浩愈於已  
專馳一介取原本既至將啓緘尚有憂色及覩浩破題曰

合瑞光程喜曰李程在裏出據

蔡南史

二年駙馬王士平與義陽公主反目蔡南史獨孤

爲樂曲號義陽子有團雪散雪之歌德宗聞之怒

什舉後但流斥南史乃止出國  
史補

牛僧孺

牛僧孺始舉進士致琴書於灞漣間先以所業謁韓愈皇  
甫湜時首造愈值愈他適留卷而已無何愈訪湜時僧孺  
亦及門二賢覽刺忻然同契延接詢及所止對曰某方以  
薄伎小醜呈於宗匠進退惟命一囊猶寘於國門之外二  
公披卷卷首有說樂一章未閱詞遽曰斯高文且以拍  
板爲何等對曰謂之樂句二公相顧大喜曰斯高文必矣

僧孺因謀所居二公沈然良久乃曰可於客戶稅一廟院  
僧孺如所教造門致謝二公又誨之曰某日可遊青龍寺  
薄暮而歸二公聯鑣至彼因大署其門曰韓愈皇甫湜同  
訪幾官不遇翌日輦轂名士咸觀焉奇章之名由是赫然  
矣僧孺既及第過堂宰相謂曰掃廳奉候僧孺獨出曰不  
敢衆聳異之

出據

楊虞卿

楊虞卿及第後舉宏詞爲校書來淮南就李鄴婚姻遇前  
進士陳商啓護窮窘虞卿未相識聞之倒囊以濟

出據

苗績

苗榮子績應舉而榮以中風語澀而心緒至切臨試又疾  
亟績乃爲狀請許入試否榮猶能把筆淡墨爲書曰入

其父子之情切如此其年績及第

出據

費冠

費冠卿元和二年及第以祿不及親永懷罔極之念遂隱  
於池陽九華山長慶中殿中侍御史李行修舉冠卿孝節  
徵拜右拾遺制曰前進士費冠加嘗與計偕以文中第祿  
不及於榮養每積於水懷遂乃屏身丘園絕跡仕進守  
其至性十有五年峻節無雙所自遠夫旌孝行舉逸人  
所以厚風俗而敦名教也宜陳高獎以儆薄夫擢參近侍  
之榮載佇移忠之効可右拾遺冠卿竟不應徵命  
出據

李固言

李固言生於鳳翔莊墅性質厚未熟造謁始應進士舉舍  
於親表柳氏京第諸柳昆仲率多詭戲以固言不閑人事

俾信趨揖之儀候其罄密於真巾上帖文字云此處有屋僦賃固不覺及朝士見而笑之許子容為右常侍于時朝中薄此言一貂脚頗不能為後進延譽固言以所業求見謀於諸相與導行老去處先令投許常侍固言果詰之孟谷謝曰某官緒閑冷不足發君子聲彩雖然亦藏之於心又瞞頭巾上文字知其樸質無何來年許知禮聞乃以固言為狀頭出據

殷堯藩

元和九年韋貫之片心堯藩雜文落矣陽漢公貫之前勝門生盛言堯藩之屈貫之為之重收出據

施肩吾

施肩吾元和十年及第以洪州之西山乃十二真君

之地靈跡具存慕其真風高蹈於此嘗賦閒居遺興七言詩一百韻大行於世出據

張正甫

張正甫為河南尹裴度銜命伐淮西置宴府西亭裴言一舉人詞藝好解頭張正色曰相公此行何為也爭記得河南解頭裴有慙色出據

馮陶

馮宿之三子陶韜圖兄弟連年進士及弟連年登宏詞科一時之盛代無比焉當大和初馮氏進士及第者海內十人而公家兄弟叔姪八人出傳載

張環

張環兄弟七人並舉進士出談

賓錄

太平廣記卷第一百八十一  
楊三喜

楊敬之拜國子司業次子載進士及第長子三史登科時  
號楊三喜出撰言

太平廣記卷第一百八十

太平廣記卷第一百八十一

貢舉四

李逢吉

章孝標

劉軻

崔羣

李翱女

賀拔碁

李宗閔

庾承宣

張祐

盧求

杜牧

劉蕡

薛保遜

賈島

畢誠

裴德融

裴思謙

李肱

蘇景張元夫

李逢吉

元和十一年歲在丙申李逢吉下三十三人皆取寒素時  
有語曰元和天子丙申年三十三人同得儒袍似爛銀文  
似錦相將白日上青天李德裕頗為寒進開路及謫官南

去或有詩曰八百孤寒齊下淚一時廻首望崖州出接

### 章孝標

章孝標元和十三年下第時輩多為詩以刺主司獨章為歸燕詩留獻侍郎庾承宣承宣得時展轉吟諷誠恨遺才仍候秋期必當薦引庾果重典禮曹孝標來年擢第羣議以為二十八字而致大科則名路可遵遞相礮礪也詩曰舊累危巢泥已落今年故向社前歸連雲大厦無棲處更望誰家門戶飛出雲溪友議

### 劉軻

劉軻慕孟軻為文故以名焉少為僧止於豫章高安之界園後復求黃老之術隱於廬山既而進士登第文章與韓柳齊名出接

### 崔羣

崔羣元和自中書舍人知貢舉夫人李氏因暇嘗勸樹莊田以為子孫之業笑曰予有三十所美莊良田遍在天下夫人何憂夫人曰不聞君有此業羣曰吾前歲放春榜三十人豈非良田邪夫人曰若然者君非陸贄相門生乎曰然夫人曰往年君掌文柄使人約其子簡禮不令就試如君以為良田即陸氏一莊荒矣羣慙而退累日不食出獨異志

### 李翱女

李翱江淮典郡有進士盧儲投卷翱禮待之置文卷几案間因出視事長女及笄閑步鈴閣前見文卷尋繹數四謂小青衣曰此人必為狀頭迨公退李聞之深異其語乃令賓佐至郵舍具白於盧選以為壻盧謙讓久之終不却其



意越月隨計來年果狀頭及第纔過關試徑赴嘉禮催粧  
詩曰昔年將去玉京遊第一僊人許狀頭今日幸爲秦晉  
會早教鸞鳳下粧樓後盧止官舍迎內子有庭花開乃題  
曰芍藥斬新栽當庭數朶開東風與拘束留待細君來人  
人生前定固非偶然耳

出行  
情詩

### 賀拔憇

王起長慶中再主文柄志欲以白敏中爲狀元病其人與  
賀拔憇還往憇有文而落拓因密令親知申意俾敏中與  
憇絕前人復約敏中忻然皆如所教旣而憇造門左右給  
以敏中他適憇遲留不言而去俄頃敏中躍出連呼左右  
憇於是悉以實告乃曰一第何門不致奈輕負至交相與  
盡醉負陽而寢前人覩之大怒而去告於起且云不可必

起九月我比祇得白敏中今當更取賀拔憇矣

出行  
據

### 李宗閔

李宗閔知貢舉門生多清秀俊茂唐仲薛岸袁都輩時謂  
之玉

出行  
話錄

### 庾承宣

庾承宣主文後六七年方授金紫時門生李石先於內庭  
恩賜矣承宣拜命之初石以所服紫袍金魚拜獻座主

出行  
據

### 張祐

張祐元和長慶中深爲令狐楚所知楚鎮天平日自草薦  
表令以新舊格詩三百篇隨表進獻辭畧曰凡制五言合  
苞六義近多放誕靡有宗師前件人久在江湖早攻篇什

研幾甚苦搜相頗深流輩所推風格罕及謹令錄新舊格  
詩三百首自光順門進獻望請宣付中書祐至京師方屬  
元稹在內庭上因召問祐之詞藻高下稹對白張祐雕蟲  
小巧壯夫耻不為者或獎激之恐變陛下風教上領之由  
是失意而歸祐以詩自悼曰賀知章口徒勞說孟浩然身  
不更疑出據

### 盧求

楊嗣復第二榜盧求者李翱之子婿先是翱典合淝郡有  
一道人詣翱言事甚異翱後任楚州或曰桂州其人復至其年  
嗣復知舉求落第嗣復翱之妹婿由是頗以為嫌因訪於  
道人言曰細事亦可為奏章一通凡研紙筆復置醇酎數  
於側一人以巨杯引滿而飲寢少頃而覺覺而復飲

書即整衣冠北望而拜遽對案手疏二緘遲明授翱曰今  
秋有主司且開小卷明年見榜開大卷翱如所教尋報至  
嗣復依前上文即開小卷詞云裴頭黃尾三求六李翱奇  
之遂寄嗣復已有所貯彼疑漏泄及放榜開大卷乃一榜  
煥然不差一字其年裴求為狀元黃駕估榜末次則盧求  
耳餘皆契合後翱領襄陽其人又至翱愈敬異之謂翱曰  
鄙人再來蓋仰公之政也因命出諸子熟視皆曰不繼翱  
之所得遂遣諸女出拜之乃曰尚書他日外孫三人皆位  
至宰輔後求子攜鄭亞子畋杜審權子讓能皆為將相出據  
言

### 杜牧

崔郾侍郎既拜命於東郡試舉人三署公卿皆祖於長樂

傳舍冠蓋之盛罕有加也時吳武陵任太學博士策蹇而至郎聞其來微訝之乃離席與言武陵曰侍郎以峻德偉望為明天子選才俊武陵敢不薄施塵露向者偶見大學生數十輩揚眉抵掌讀一卷文書就而觀之乃進士杜牧阿房宮賦若其人真王佐才也侍郎官重恐未暇披覽於是緡笏朗宣一遍郎大奇之武陵請曰侍郎與狀頭郎曰已有人武陵曰不然則第三人郎曰亦有人武陵曰不得已即第五人郎未遑對武陵曰不爾却請此賦郎應聲曰敬依所教既即席白諸公曰適吳太學以第五人見惠或曰為誰曰杜牧衆中有以牧不拘細行問之者郎曰已許吳君牧雖屠狗不能易也崔園東都放榜西都過堂杜紫微詩曰東都放榜未花開三十三人走馬迴秦地少年多

醜酒即將春色入關來  
出據

### 劉蕡

大和二年裴休等二十三人登制科時劉蕡對策萬餘字深究治亂之本又多引春秋大義雖公孫弘董仲舒不能肩也自休已下靡不歛衽然以指斥貴倖不顧忌諱有司知而不取時登科人李邵詣闕進疏請以已之所得易蕡之所失疏奏畱中蕡暮月之間屈聲播於天下

出據

劉蕡楊嗣復之門生也既直言忤中官尤所嫉怒中尉仇士良謂嗣復曰柰何以國家科第放此風漢邪嗣復懼答曰嗣復昔與蕡及第時猶未風耳

出玉泉子

### 薛保遜

薛保遜好行巨編自號金剛杵太和中貢士不下千餘人

公卿之門卷軸填委為閣媪脂燭之費因之平易者曰若薛保遜卷即所得倍於常也出據

賈島

賈島不善呈試每試自疊一幅巡捕告人曰原夫之輩乞一聯乞一聯出據

畢誠

畢誠及第年與一二人同行聽響卜夜艾人稀久無所聞俄遇人投骨於地羣犬爭趨又一人曰後來者必銜得出據

裴德融

裴德融諱臯值高錯知舉入試主司曰伊諱臯其恭下就試與及第困一生事後除屯田員外郎將盧簡求為右丞

裴與除郎官一人同參到宅右丞先屈前一人入從容多時前人啓云某與新除屯田裴員外同祇候右丞裴員外在門外多時盧遽使驅使官傳語曰員外是何人下及第偶有事不得奉見裴倉遑失錯騎前人馬出門去出盧氏雜說

裴思謙

高錯第一榜裴思謙以仇士良關節取狀頭錯庭譴之思謙廻顧厲聲曰明年打春取狀頭第二年錯知舉誠門下不得受書題思謙自懷士良一緘入貢院既而易以紫衣趨至塔下白錯曰軍容有狀薦裴思謙秀才錯不得已遂接之書中與思謙求魏我錯曰狀元已有人此外可副軍容詰思謙曰卑吏面奉軍容處分裴秀才非狀元請侍郎不放錯俛首良久曰然則畧要見裴學士思謙曰卑吏便

是思謙人物堂堂錯見之改容不得已遂從之出據

### 李肱

開成元年秋高錯復司貢藉上曰夫宗子維城本枝百代封爵使宜無令廢絕常年宗正寺解送人恐有浮薄以忝科名在卿精揀藝能勿妨賢路其所試賦則准常規詩則依齊梁體格乃試琴瑟合奏賦霓裳羽衣曲詩主司先進五人詩其最佳者李肱次則王牧日斜見賦則文選中雪月賦也况肱宗室德行素明人才俱美敢不公心以辜聖教乃以榜元及第霓裳羽衣曲詩李肱云開元太平時萬國賀豐歲梨園獻舊曲玉座流新製鳳管遞參差霞衣統搖曳醮罷水殿空輦餘春草細蓬壺事已久僊樂功無替詎肯聽遺音聖明知善繼上覽之曰近屬如肱者其不忝

乎有劉安之識可令著書執馬孚之正可以為傳奏羸統天下子弟同匹夫根本之不深固曹問曷不非也出雲漢友議

### 蘇景張元夫

大和中蘇景胤張元夫為翰主人楊汝士與弟虞卿及弟漢公先為文林表試故後進相謂曰欲入舉場先問蘇張蘇張猶可三楊殺我大中咸通中盛傳崔慎相公常寓尺題於知聞或曰王凝裴瓚舍弟安潛朝中無呼字知聞廳裏絕脫靴賓客凝終宣城瓚禮部尚書安潛侍中太平王崇實賢二家率以科目為資足以升沉後進故科目舉人相謂曰未見王竇徒勞謾走出據

後有東西二甲東呼西為茫茫隊言其無藝也出盧氏雜說開成會昌中又曰鄭楊段薛炙手可熱又有薄徒多輕侮

人故裴泌應舉行美人賦以譏之又有大小二甲又有汪  
已甲又有四字言深耀軒庭也又有四凶甲又芳林十哲  
言其與內臣交遊若劉曄任息姜垆李巖七蔡鋌秦韜玉  
之徒鋌與巖士各將兩軍書題求狀元時謂之對軍解頭  
太和中又有杜顛竇糾蕭嶸極有時稱為後來領袖文宗  
曾言進士之盛時宰相對曰舉場中自云鄉貢進士不博  
上州刺史上笑之曰亦無奈何出盧氏雜說

太平廣記卷第一百八十一

太平廣記卷第一百八十二 貢舉五

崔蠡 盧肇 丁稜

顧非熊 李德裕 張漬

宣宗 盧渥 劉蛻

苗台符張讀 許道敏 崔殷夢

顧標 溫庭筠 盧彖

翁彥樞 劉虛白 封定卿

馮藻 趙琮

崔蠡

唐崔蠡知制誥日丁太夫人憂居東都里第時尚清苦儉  
嗇四方寄遺茶藥而已不納金帛故朝賢家不異寒素雖  
名姬愛子服無輕細崔公卜珎有期居一日宗門士人有

謁請於蠡者閹吏拒之告曰公居喪未嘗見他客乃曰某  
崔家宗門子弟又知尊夫人有卜遠之日願一見公公聞  
之延入與語直云知公居縉紳間清且約太夫人喪事所  
須不能無費某以辱孫姪之行又且貲用稍給願以錢三  
百萬濟公大事蠡見其慷慨深竒之但嘉納其意終却而  
不受此人調舉久不第亦頗有屈聲蠡未幾服闋拜尚書  
右丞知禮部貢舉此人就試蠡第之爲狀元衆頗驚異謂  
蠡之主文以公道取士崔之獻藝由善價成名一第則可  
矣首冠未爲得以是人有詰於蠡者答曰崔某固是及第  
人但狀頭是某私恩所致耳具以前事告之於是中外始  
服名益重焉

出芝田錄

盧肇

抑退浮薄獎拔孤寒於時朝貴朋黨德裕破之由  
是結怨而絕於附會門無賓客唯進士盧肇宜春人有竒  
才德裕嘗左宦宜陽肇投以文卷由此見知後隨計京師  
每謁見待以優禮舊例禮部放榜先呈宰相會昌三年王  
起知舉問德裕所欲答曰安用問所欲爲如盧肇丁稜姚  
鵠豈可不與及第邪起於是依其次而放

出玉泉子

丁稜

盧肇丁稜之及第也先是放榜訖則須謁宰相其導啓詞  
語一出榜元者俯仰疾徐尤宜精審時肇首冠有故不至  
次乃稜也稜口吃又形體小陋迨引見卽俛而致詞意本  
言稜等登科而稜頽然發汗鞠躬移時乃曰稜等登稜等  
登竟不能發其後語而罷左右皆笑翌日有人戲之曰聞

君善筆可得聞乎稜曰無之友人曰昨日聞稜等登稜等登非等聲邪

出王泉子  
顧非熊

顧非熊况之子滑稽好辯凌轢氣焰子弟為衆所怒非熊既為所排在舉場垂三十年屈聲聒人耳會昌中陳商放榜上怪無非熊名召有司追榜放及第時天下寒進皆知勸矣詩人劉得仁賀詩曰愚為童稚時已解念君詩及得高科晚須逢聖主知

出據  
李德裕

李德裕以已非由科第恒嫉進士舉者及居相位貴要束手德裕嘗為藩府從事日同院李評事以詞科進適與德裕官同時有舉子投文軸誤與德裕舉子既誤復請之曰

非文軸當與及第李評事非與公也由是德裕志在排斥

出王泉子

張漬

張漬會昌五年陳商下狀元及第翰林覆落漬等八人趙胃南貽漬詩曰莫向春風訴酒杯謫僊真箇是僊才猶堪與世為祥瑞曾到蓬山頂上來

出據  
宣宗

宣宗酷好進士及第每對朝臣問及第苟有科名對者必大喜便問所試詩賦題目拜主司姓名或有人物稍好者偶不中第嘆惜移時常於內自題鄉貢進士李道龍

出盧氏雜說

盧渥



唐陝州廉使盧渥在舉場甚有時稱曾於漘水逆旅遇宣宗皇帝微行意其貴人歛身迴避帝揖與相見乃自稱進士盧渥帝請詩卷袖之乘驟而去他日對宰相問渥與主上有令主司擢第渥不自安恐僭冒之辱宰相問渥與主上有何階緣渥乃具陳因由時亦不以爲忝蓋事業亦得之矣渥後自廉察入朝知舉遇黃寇犯闕不及終場趙崇大夫戲之曰出腹不生養主司也然盧家未嘗知舉盧相攜耻之拔爲主文章不果也

出北夢  
瑣言

### 劉蛻

荆南解比號天荒大中四年劉蛻以是府解及第時崔鉉作鎮以破天荒錢七十萬資蛻蛻謝書略曰五十年來自是人廢一千里外豈曰天荒

出  
摭言

### 苗台符張讀

苗台符六歲能屬文聰悟無比十餘歲博覽羣籍著皇心三十卷年十六及第張讀亦幼擅詞賦年十八及第同年進士又同佐鄭薰少師宣州慕二人常列題於西明寺東廊或竊注之曰一雙前進士兩箇阿孩兒台符十七不祿讀位至禮部侍郎

出  
摭言

### 許道敏

許道敏薦之初獲知於時相是冬主文者將蒞事於貢院謁於相門相大稱其卓苦藝學宜在公選主文受命而去許潛知其旨貽磨礪以須屈指試期大掛人口俄有張希復員外結婚於丞相竒章公之門親迎之夕辟道敏爲儉道敏乘其喜氣縱酒飛章搖珮高譚極歡而罷無何時

相敷奏不稱旨移秩他郡人情恐異主文不敢第於甲乙自此晦昧墮坎不復振舉繼丁家故乖二十載至大中六年崔璵知舉方擢於上科時有同年張讀一舉成事年十有九乃道敏敗於垂成之冬僨導張希復之子牛夫人所生也

出唐  
關史

### 崔殷夢

崔殷夢宗人瑤門生也夷門節度使龜從之子同年首冠於壤壤白瑤曰夫一名男子飾身世以爲美他不可以等將也近歲關試內多以假爲名求適他處甚無謂也今乞侍郎不可循其舊轍瑤大以爲然一日壤等率集同年詣瑤起居旣坐瑤笑謂壤等曰昨得大梁相公書且欲崔先輩一到駿馬健僕往復當不至稽滯幸諸先輩留意壤以

坐主之命無如之何

出玉  
泉子

### 顏標

鄭侍郎薰主文舉人中有顏標者薰誤謂是魯公之後時徐方未寧志在激勸忠烈卽以標爲狀元及謝恩日從容問及廟院標曰標寒進也未嘗有廟院薰始大悟塞默而已尋爲無名子所嘲曰主司頭腦太冬烘錯認顏標作魯公

出  
言

### 溫廷筠

溫廷筠燈燭下未嘗起草但籠袖凭几每賦一韻一吟而已故場中號爲溫八吟

出  
言

### 盧彖

崔沆及第年爲主罰錄事同年盧彖俯近關讌堅請假往

洛下拜慶既而淹緩久之及同年讌於曲江亭子豸以雕  
幘載妓微服鞞鞞縱觀於側遽為團司所發沆判之略曰  
深攬席帽密映羶車紫陌尋春便隔同年之面青雲得路  
可知異日之心出據

### 翁彥樞

翁彥樞蘇州人應進士舉有僧與彥樞同鄉里出入故相  
國裴公垣門下以其年耄優惜之雖中門內亦不禁其出  
入手持貫珠閉目以誦佛經非寢食未嘗輟也垣主文柄  
也其擬議名氏迨與奪進退僧悉熟之矣歸寺而彥樞訪  
焉僧問彥樞將來得失之耗彥樞具對以無有成遂狀僧  
曰公成名須第幾人彥樞謂僧戲已答曰第八人足矣即

復往裴氏之家二子所議如初僧忽張目謂之曰侍郎知  
舉邪郎君知舉邪夫科第國家重事朝廷委之侍郎意者  
欲侍郎剗革前弊孤平得路今之與奪率由郎君侍郎寧  
遇人邪且郎君所與者不過權豪子弟未嘗以一平人藝  
士議之郎君可乎即屈其指自首及末不差一人其豪族  
私讎曲折畢中二子所謀勛等大懼即問僧所欲且以金  
帛啗之僧曰貧僧老矣何用金帛為有鄉人翁彥樞者徒  
要及第耳勛等曰即列在丙科僧曰非第八人不可也勛  
不得已許之僧曰與貧僧一文書來彥樞其年及第竟如  
其言出王  
泉子

### 劉虛白

劉虛白與裴垣早同硯席垣主文虛白猶是舉子試雜文

日簾前獻一絕句云二十年前此夜中一般燈燭一般風  
不知歲月能多少猶著麻衣侍至公孟榮年長於魏公放  
榜日榮出行曲謝沉泣曰先輩吾師也沉泣榮亦泣榮出  
入場藉三十年長孫藉與張公舊交公兄呼藉公嘗諷  
其改置藉曰朝聞道夕死可矣出抄

### 封定卿

大中後進士尤盛封定卿丁茂珪舉子與其交者必先登  
第而二公各二十舉方成名何進退之相懸也先是李都  
崔雍孫瑄鄭嶠四君子蒙其眄睐者因是進昇故曰欲得  
命通問瑄嶠都雍出北夢

### 馮藻

唐馮藻常侍宿之子消之叔父世有科名藻文彩不高酷

愛名第已十五舉有相識道士謂曰某曾入靜觀之此生  
無名第但有官職也亦未之信更應十舉已二十五舉矣  
姻親勸令罷舉且謀官藻曰譬如一生無成更誓五舉無  
成遂三十舉方就仕宦歷卿監峽牧終於騎省出北夢

### 趙琮

趙琮妻父爲鍾陵大將琮以久隨計不第窮悴甚妻族益  
相薄雖妻父母不能不然也一日軍中高會州郡請之春  
設者大將家相率列棚以觀之其妻雖貧不能無往然所  
服故弊衆以帷隔絕之設方酣廉使忽馳吏呼將將驚且  
懼既至廉使臨軒手持一書笑曰趙琮得非君子壻乎曰  
然乃告之適報至已及第矣卽授所持書乃榜也將遽以  
榜奔歸呼曰趙郎及第矣妻之族卽撤去帷障相與同席



章保義以兄在相位應舉不得特賜及第擢入內庭出據言

葉京

葉京建州人也極有賦名向遊大梁常預公宴因與監軍使面熟及至京師時已遂登科與同年連鑣而行逢其人於通衢馬上相揖因之謗議喧然後頗至沈棄終於太學博士出據言

李藹

李藹應舉功勤敏妙絕倫人謂之束翅鷄子咸通二年及

第出盧氏雜說

房珣

房珣河南人太尉之孫咸通四年垂成而敗先是名第定矣無何寫試之際仰泥土落擊翻硯瓦汚試紙珣以中表

重地祇薦珣一人主事不獲已須應之珣既臨曙更請印

副試主司不諾遂罷出據言

汪遵

許棠宣州涇縣人早修舉業鄉人汪遵者幼為小吏洎棠應二十餘舉遵猶在胥徒然善為絕句詩而深晦密一旦辭役就貢會棠送客至灞澹忽遇遵於途中棠訊之曰汪都都者吏呼也何事至京遵對曰此來就貢棠怒曰小吏無禮而果與棠同硯席棠甚侮之後遵成名五年棠始及第出據言

劉允章

劉允章題目天下為家賦給事中杜裔體進疏論事雖不行時以為當崔澹至仁伐不仁賦亦頗招時議薛耽盛德

日新賦韻脚云循乃無已劉子震通狀請改為修字當時

改正出盧氏雜說

王凝

王凝清族重德冠絕當時每就寢息必叉手而卧或慮夢中見其先祖曾牧絳州於時司空圖方應進士舉自別墅到郡謁見後更不訪親知閹吏遽申司空秀才出郭矣或入郭訪親知即不造郡齊王知之謂其專敬愈重之及知舉司空一捷列第四人登科同年訝其名姓甚暗成事太速有浮薄者號之為司徒空王知有此說因召一榜門生開筵宣言於衆曰某切忝文柄今年榜帖全為司空先輩一人而已由是圖聲彩益振出北夢瑣言

盧尚卿

咸通十一年以寵勛盜據徐州久屯戎卒連年飛輓物力方虛因詔權停貢舉一年是歲進士盧尚卿自遠至關聞詔而廻乃賦東歸詩曰九重丹詔下塵埃深璫文闈罷選才桂樹放教遮月長杏園終待隔年開自從玉帳論兵後不許金門諫獵來今日霸陵橋上過關人應笑臘前廻出

號

李堯

李堯及第在偏侍下俯逼起居宴霖雨不止因遣賃油幕以張去之堯先人舊盧昇平里凡用錢七百緡自所居連亘通衢迨之一里餘參御輩不啻千餘人韉馬車輿闐咽門巷往來無有霑濕者而金壁照耀別有嘉致堯時為丞相韋保衡所委干預政事號為李八郎其妻又南海韋宙

女恒資之金帛不可勝紀出據

### 高湜

咸通十二年禮部侍郎高湜知舉榜內孤平者公乘億有賦三百首人多書於壁許棠有洞庭詩尤工時人謂之許洞庭最者有聶夷中少貧苦精於古體有公子家詩云種花滿西園花發青樓道花下一禾生去之為惡草又詠田家詩云父耕原上田子斲山下荒六月禾未秀官家已修倉又云鋤田當日午汗滴禾下土誰念盤中餐粒粒皆辛苦又云二月賣新絲五月糶新穀醫得眼前瘡剜却心頭肉我願君王心化為光明燭不照綺羅筵只照逃亡屋所謂言近意遠合三百篇之旨也出據

### 公乘億

公乘億魏人也以詞賦著名咸通十三年垂三十舉矣嘗大病鄉人誤傳已死其妻自河北來迎喪會億送客至坡下遇其妻始夫妻濶別積十餘歲億時在馬上見一婦粗纒跨驢依稀與妻類因睨之不已妻亦如是乃令人詰之果億內子與之相持而泣路人嘆異之後旬日億登第矣出據

### 孫龍光

孫龍光崔殷夢下狀元及第前一年嘗夢積木數百龍光踐履徃復既而請一李處士圓之處士曰賀郎君喜來年必是狀元何者已居衆材之上出據

### 王璘

長沙日試萬言王璘詞學富贍非積學所致崔詹事廉問



持表薦之於朝先是試之於使院璘請書吏十人皆給几  
硯璘衫絺捫腹往來口授十吏筆不停輟首題黃河賦三  
十字數刻而成又烏散餘花落詩三十首援毫而就時忽  
風雨暴至數幅為迴颺所卷泥滓霑漬不勝舒卷璘曰勿  
取但將紙來復縱筆一揮斯須復十餘篇矣時未停午已  
積七千餘言崔公語試官曰萬言不在試限但請召來飲  
酒黃河賦復有僻字百餘請璘對衆朗宣旁若無人至京  
時路巘方當軸遣一介召之璘意在沾激曰請俟見帝巖  
聞之大怒亟命奏廢萬言科璘杖策而歸放曠於杯酒間  
雖屠沽無間然矣

出據

蔣凝

存中蔣凝應寵詞為賦止及四韻遂白而去試官不之

信通請所謂凝以實告既而比之諸公凝有德色試官歎  
息久之頃刻之間播於人口或稱之曰白頭花鈿滿面不  
若徐妃半粧

出據

吳融

吳融字子華廣明中和間久負屈聲雖未擢第同人率多  
執贄謁之如先達有王圖者工詞賦投卷凡旬月融既見  
之殊不言圖之臧否但問圖曰吏曾得盧休信否何堅卧  
不起惜哉融所得不如他休圖之中表長於八韻向與融  
同硯席晚年拋屣歸鏡中別墅

出據

盧光啓

盧光啓先人伏法光啓兄弟修飾赴舉謂親知曰此乃開  
荒也然其立性周謹著初舉子一卷卽進取諸事皆此類

也策名後揚歷臺省受知於祖庸張濬濬出征并汾盧每致書疏凡一事別為一幅朝士至今敦之蓋重疊別紙自光啓始也唐末舉人不問事行文藝但勤於請謁號曰精切亦皆法於光啓尔其族弟汝弼嘗為張濬出征判官傳檄四方其略云致赤子之流離自朱耶之版蕩自謂人曰天生朱耶赤子供我之筆也出北夢瑣言

### 王彥昌

王彥昌太原人家世簪冕推於鼎甲廣明歲駕幸西蜀敕賜及第後為嗣薛王知柔判官昭宗幸石門時宰臣學士不及隨駕知柔以京兆尹權中書事屬近輔表章繼至勤於批答知柔以彥昌名聞遂命權知學士居半歲出拜京兆尹加左常侍大理卿為寺胥所累南遷出梅丘

### 杜昇

杜昇父宣猷終宛陵昇有詞藻廣明歲蘇導給事刺劍州昇為軍卒駕幸西蜀例得召見特敕賜緋導尋入內庭韋中令自翰長拜主文昇時已拜小諫抗表乞就試從之登第數日有敕復前官拜服色議者榮之出據昇自拾遺賜緋却應舉及第又拾遺時號著緋進士出盧氏雜說

### 鄭昌圖

被嘲

廣明年中鳳翔副使鄭侍郎昌圖未及第前嘗自任以廣度弘襟不拘小節出入遊處恣恣情焉泊至輿論喧然且欲罷舉其時同里有親表家僕自宋毫莊上至告其主人云昨過洛京於穀水店邊逢見二黃衣使人西來某遂與

同行至華嶽廟前二黃衣使與某告別相揖於店後面謂  
某曰君家郎君應進士舉元僕曰我郎主官已高諸郎君  
見修學次又問曰莫親戚家兒郎應無曰有使人曰吾二  
人乃是今年送榜之使也自泰山來到金天處抑署其榜  
子幸相遇僕遂請竊窺其榜使者曰不可汝但記之遂畫  
其地曰此年狀頭姓偏傍有下名兩字下一字在口中勝  
尾之人姓偏傍亦有此下名兩字下一字亦在口中記之  
記之遂去鄭公親表頗異其事遂訪岐副具話之且勉以  
就試昌圖其年狀頭及第榜尾鄒希回也姓名畫點皆同  
出王堂  
閑話

又咸通中以進士車服僭差不許乘馬時塲中不減千人  
雖勢可熱手亦皆騎驢或嘲之曰今年敕下盡騎驢短袖  
長鞦滿九衢清瘦兒郎猶自可就中愁殺鄭昌圖  
相國  
偉甚

程賀

唐崔亞郎中典眉州程賀以鄉役充廳僕其弟在州曹為  
小書吏崔公見賀風味有似儒生因詰之曰爾讀書乎賀  
降階對曰薄涉藝文崔公指一物俾其賦詠雅有意思因  
令歸選日裝寫所業執贄甚稱獎之俾稱進士依崔之門  
更不他岐凡二十五舉及第每入京館於博陵之第常感  
提拔之恩亞卒之日賀為崔公衰服三年人皆美之  
出北  
夢瑣

陳嶠

陳嶠謁安陸鄭誠二年方一相面從容誠謂嶠曰識閔廷

言否嶠曰偶未知聞誠曰不妨與之往還其人文似西漢  
出據

### 秦韜玉

秦韜玉出入田令孜之門車駕幸蜀韜玉已拜丞郎判選  
及小歸公主文韜玉准敕放第仍編入其年榜中韜玉致  
書謝新人皆呼同年略曰三條燭下雖阻文闈數仞墻邊  
幸同恩地出據

### 陸扆

陸扆舉進士屬僖宗幸梁洋隨駕至行在與中書舍人鄭  
損同止逆旅扆爲宰相韋昭度所知欲身事之速了屢告  
昭度昭度曰奈已深夏復使何人爲主司扆以鄭損對昭  
度從之因令扆致意榜帖皆扆自定其年六月狀頭及第

後在翰林署時苦熱同列戲之曰今日好造榜矣然衆名  
冠一時兄弟三人時謂三陸希聲及威也出北夢

### 張曙

張曙崔昭緯中和初西川同舉相與詣日者問命時曙自  
恃才名籍甚人皆目爲將來狀元崔亦分居其下無何日  
者殊不顧曙第目崔曰將來萬全高第曙有愴色日者曰  
郎君亦及第然須待崔家郎君拜相當此時過堂旣而曙  
果以慘恤不終場昭緯其年首冠曙以篇什刺之曰千里  
江西陪驥尾五更風小失龍鱗昨夜浣花溪上雨綠楊芳  
草爲何人崔甚不平會夜飲崔以巨觥飲張張推辭再三  
崔曰但喫却待我作宰相與郎君取狀頭張拂衣而去因  
之大不叶後七年崔自內廷大拜張後於裴贄下及第果

於崔下過堂

出據

崔昭矩

崔昭矩大順中喪費下狀元及第翌日兄昭緯登庸王侁丞相魯公損之子侗及第翌日損登庸侗過堂別見歸點親迎拜席曰狀元及第勝下版巡脫白晷月無疾而卒

出據

賈沫

賈沫父修有義聲沫落拓不拘細碎嘗佐武臣倅晉州時昭宗幸蜀三勝喪相許時為前主客員外客游至郡沫接之傲視喪嘗箕易造沫沫戎裝一掛曰主公尚書邀放鵠子勿怪如此惚惚而退喪費頗銜之後喪三主文柄沫兩舉為喪所黜既而謂門人曰賈沫老倒可哀吾當報之以

德遂放及第

出據

太平廣記卷第一百八十四

貢舉七

昭宗

韋甄

劉纂

鍾傳

盧文煥

趙光逢

盧延讓

韋貽範

楊玄同

封舜卿

高輦

氏族

李氏

王氏

七姓

李積

崔湜

類例

李嶠

張說

楊氏

李益

莊恪太子妃

白敏中

汝洲衣冠

黃生

昭宗

昭宗皇帝頗爲孤進開路崔凝覆試但是子弟無問文章高下率多退落其間屈人頗多孤寒中唯程晏黃韜擅場之外其餘以呈試考之濫得亦不少矣然如王貞白張贛律詩趙觀文古風之作皆臻前輩之閫闕者也

出摭言

### 劉纂

劉纂者商州劉蛻之子也亦善爲文乾寧中寒栖京師偶與一醫士爲隣纂待之甚至徃徃假貸之其人卽樞密使門徒嗣薛王爲大京兆醫工因爲知柔診脉從容之際盛言纂之窮且屈知柔甚領覽會試官以解送等第稟於知柔知柔謂纂是開府門前人醫者之言必開府之意也非解元不可由是以纂居首送纂亦莫知其由自是纂落舉方悟竟無以自雪

出摭言

### 鍾傳

唐朝自廣明庚子之亂甲辰天下大荒車駕再幸岐梁饑殍相望郡國率不以貢士爲意江西節帥鍾傳起於義聚奄有疆土充庭述職爲諸侯表式而乃孜孜以薦賢爲急務雖州里白丁片文隻字求貢於有司者莫不盡禮接之至於考試之辰設會供帳甲於治平行鄉飲之禮嘗率賓佐臨視拳拳然有喜色後大會以餞之筐篋之外率皆資以桂玉解元三十萬解副二十萬其餘皆不減十萬垂三十載此志未嘗稍息時舉子者以公卿關節不遠千里而求首薦歲常不下數輩

### 盧文煥

盧文煥光化二年狀元及第頗以謙醜爲急務常府開讌

同年皆患貧無以致之一旦給以遊齊國公亭子既自皆  
解帶從容渙命團司牽驢時柳璨告文渙以驢從非已有  
文渙曰藥不瞑眩厥疾弗瘳璨甚銜之居四年璨登庸文  
渙憂戚日加璨每遇之日藥不瞑眩厥疾弗瘳出據

### 趙光逢

光化二年趙光逢放柳璨及第光逢後三年不遷時璨自  
內庭大拜光逢始以左丞徵入未幾璨坐罪誅死光逢膺  
大用居重地十餘歲上表乞骸守司空致仕二年復徵拜  
上相出據

### 盧延讓

盧延讓光化三年登第先是延讓師薛能為詩詞意入癖  
時人多笑之吳融向為侍御史出官峽中延讓時薄游荆

渚貧無卷軸未遑贄謁會融表弟滕籍者偶得延讓百篇  
融既覽大奇之且曰此無他貴語不尋常耳於是稱之於  
府主成汭時故相張公職於是邦常以延讓為笑端及融  
言之咸所改觀由是大獲舉糧延讓深所感激然猶因循  
竟未相面值融赴急徵尋入內廷孜孜於公卿間稱譽不  
已光化戊午歲來自襄之南融一見如舊相識延讓嗚咽  
流涕於是攘臂成之矣出據

### 韋貽範

羅隱顧雲俱受知於相國令狐綯雖齟齬賈之子而風韻  
詳整羅亦錢塘人鄉音乖刺相國子弟每有宴會顧獨預  
之風韻談諧莫辨其寒素之士也顧文賦為時所稱而切  
於成名嘗有啓事陳於所知只望丙科盡處竟列於尾株



之前也羅旣類不得意頗怨望竟爲貴遊子弟所排契濶  
東歸黃冠事平朝賢議欲召之韋貽範沮之曰某與同舟  
而載雖未相識舟人告云此有朝官羅曰是何朝官我脚  
夾筆亦可敵得數輩必若登科通籍吾徒爲糝糠也由是  
不果召

出北夢瑣言

### 楊玄同

唐天祐年河中進士楊玄同老於名場是歲頗亦彷徨未  
涯兆朕宜祈吉夢以上前途是夕夢龍飛天乃六足及見  
榜乃名第六則知固有前定矣

出玉堂開議

### 封舜卿

封舜卿梁時知貢舉後門生鄭致雍同受命入翰林爲學  
士致雍有俊才舜卿才思拙澁及試五題不勝困弊因託

致雍秉筆當時識者以爲座主辱門生同光初致仕

出北夢

### 高輦

禮部貢院凡有榜出書以淡墨書曰名第者陰注陽受淡  
墨書者若鬼神之跡耳此名鬼書也范質云未見故實塗  
說之言未敢爲是嘗記未應舉日有登第者相告舉子將  
策名必有異夢今聊記憶三數夢載之於此高輦應舉夢  
雷電晦冥有一小龍子在前吐出一石子輦得之占者曰  
雷電晦冥變化之象一石十科也將來科第其十數矣及  
將放榜有一吏持主文帖子至問小吏姓名則曰姓龍詢  
其名第高卑則曰第十人又郭俊應舉時夢見一老僧履  
於卧榻上蹶蹠而行旣寤甚惡之占者曰老僧上座也著

履於卧榻上行履高也君其巍巍矣及見榜乃狀元也王汀應舉時至滑州旅店夢射王慎徵一箭而中及將放榜或告曰君名第甚卑汀答曰苟成名當為第六人及見榜果如所言或者問之則告以夢王慎徵則前年第六人及第今射而中之故知亦此科第也質於癸巳年應舉考試畢場自以孤平初舉不敢決望成名然憂悶如醉晝寢於逆旅忽有所夢寐未吡間有九經蔣之才相訪即驚起而坐且告以夢夢被人以朱筆於頭上亂點已牽一胡孫如驢許大蔣即以夢占之曰君將來必捷兼是第三人矣因問其說即曰亂點頭者再三得也朱者事分明也胡孫大者為猿算法圓三徑一故知三數也及放榜即第十三人也

出玉堂詩

氏族

李氏

後魏孝文帝定四姓隴西李氏大姓恐不入星夜乘鳴駝倍程至洛時四姓已定訖故至今謂之駝李焉

出朝野僉載

王氏

太原王氏四姓得之為美故呼為鎩鏤王家喻銀質而金

飾也出國史補

七姓

高宗朝以太原王范陽盧滎陽鄭清河博陵二崔趙郡隴西二李等七姓其族望耻與諸姓為婚乃禁其自相姻娶於是不能復行婚禮密裝飾其女以送夫家

出國史纂異

李積

李積酒泉公義琰姪孫門戶第一而有清名常以爵位不  
如族望官至司封郎中懷州刺史與人書札唯稱隴西李

積出國史補

崔湜

崔仁師之孫崔湜修等昆仲數人文翰列官清要每私宴  
之際自比王謝之家謂人曰吾之人門及出身官歷未嘗  
不為第一丈夫當先據要路以制人豈能默默受制於人  
故進取不已而不以令終

出據言

類例

世有山東士大夫類例三卷其有非士族及假冒者多不  
見錄署云相州僧曇剛撰後柳冲亦明族姓中宗朝為相  
州刺史詢問舊老云自隋已來不聞有僧曇剛蓋懼嫉於

出國史補

李嶠

初李嶠與李迥秀同在廟堂奉詔為兄弟又西祖王璋與  
信安王禕同產故趙郡隴西二族昭穆不定一會之中或  
孫為祖或祖為孫

出國史補

張說

張說好求山東婚姻當時皆惡之及後與張氏親者乃為  
申明四姓鄭氏不離滎陽又崗頭盧澤底李土門崔皆為

鼎甲出國史補

楊氏

楊氏自楊震號關西孔子葬於潼關亭至今七百餘年子  
孫猶在閩鄉故宅天下一家而已

出國史補

李益

李尚書益有宗人庶子同名俱出於姑臧公時人謂尚書為文章李益庶子為門戶李益而尚書亦兼門地焉嘗姻族間有禮會尚書歸笑謂家人曰大甚笑今日局席兩箇坐頭總是李益

出因話錄

莊恪太子妃

文宗為莊恪選妃朝臣家子女者悉被進名士庶為之不妄帝知之召宰臣曰朕欲為太子婚娶本求汝鄭門衣冠子女為新婦聞在外朝臣皆不願共朕作親情何也朕是數百年衣冠無何神堯打家羅訶去因遂罷其選

出盧氏雜說

白敏中

白敏中為相嘗欲以前進士侯溫為子壻且有日矣其妻

盧氏曰身為宰相願為我壻者多矣已既姓白又以侯白兒為壻必為人呼作侯白爾敏中為之止焉敏中始婚也已朱紫矣嘗戲其妻為接脚夫人又妻出輒導之以馬妻既憾其言每出必命撤其馬曰吾接脚夫人安用馬也

出玉身

汝州衣冠

汝州衣冠無非望族多有子女有汝州叅軍亦令族內於一家求親其家不肯曰某家世不共軒冕家作親情

出盧氏雜說

黃生

有黃生者擢進士第人問與頗同房否對曰別洞黃本溪洞豪姓生故以此對人雖哈之亦賞其直實也

出尚書故實

太平廣記卷第一百八十四

太平廣記卷第一百八十五

銓選一

蔡廓

謝莊

劉林甫

張說

溫彥博

戴胄

唐皎

楊師道

高季輔

薛元超

楊思玄

張仁禕

裴行儉

三人優劣

劉奇

狄仁傑

鄭杲

薛季昶

鄧渴

李至遠

張文成

鄭愔崔湜

糊名

蔡廓

宋廢帝時以蔡廓為吏部尚書錄尚書徐羨之謂中書令  
傳亮曰黃門已下悉委蔡吾徒不復歷懷自此已上故宜

共參同異廓聞之曰我不能為徐美之署紙尾也遂辭不拜出建康實錄

謝莊

宋謝莊字希逸侍中微之子黃門思之孫美儀容善談論工書屬文好言玄理少為文帝所賞帝一見之輒歎曰藍田生美玉豈虛也哉莊代顏峻為吏部尚書峻容貌嚴毅常有不可犯之色莊風姿溫美人有喧訴常歡笑答之故時人語曰顏吏部瞋而與人官謝吏部笑不與人官莊遷中書令侍中謚曰憲莊家世無年五十者莊年四十二祖四十七曾祖四十三高祖三十子肸瀟並知名出談藪

劉林甫

唐武德初因隨舊制以十一月起選至春即停至貞觀二

年劉林甫為吏部侍郎以選限促多不究悉遂奏四時選隨到注擬當時以為便出唐會要

張說

武德七年高祖謂吏部侍郎張說曰今年選人之內豈無才用者卿可簡試將來欲縻之好爵於是說以張行成張知運等數人應命時以為知人出唐會要

溫彥博

貞觀元年溫彥博為吏部郎中知選意在沙汰多所擯抑而退者不伏置訟盈庭彥博惟騁辯與之相詰終日喧擾頗為識者所嗤出唐會要

戴胄

貞觀四年杜如晦臨終請委選舉於民部尚書戴胄遂以

兼檢校吏部尚書及在銓衡頗抑文雅而獎法吏不適輸  
轅之用物以是刺之出唐會要

唐皎

唐貞觀八年十一月唐皎除吏部侍郎常引入入銓問何  
方穩便或云其家在蜀乃注與吳復有云親老先住江南  
即唱之隴右論者莫測其意有一信都人希河朔因給云  
願得江淮即注與河北一尉由是太被選人給言欺之出唐會要

楊師道

貞觀十七年楊師道為吏部尚書貴公子四海人物未能  
委練所署多非其才深抑勢貴及親黨將以避嫌時論  
之出唐會要

高季輔

貞觀十七年吏部侍郎高季輔知選凡所銓綜時稱允愜  
至十八年於東都獨知選事上賜金鏡一面以表清鑒出唐會要

薛元超

永徽元年中書舍人薛元超好汲引寒俊嘗表薦任希古  
高智周郭正一王義方孟利真等十餘人時論稱美出唐會要

楊思玄

龍朔二年司列少常伯楊思玄恃外戚貴待選流多不以  
禮而排斥之為選者夏侯彪所訟御史中丞郎餘慶彈奏  
免官時中書令許敬宗曰必知楊吏部之敗或問之對曰  
一彪一狼共著一羊不效何待出唐會要

張仁禕

唐總章二年十一月吏部侍郎李敬玄委事於員外張仁禕有識畧幹能始造姓曆改修狀抹銓替等程式敬玄用仁禕之法銓總式序仁禕感國士見委竟以心勞嘔血而死

出唐會要

裴行儉

咸亨二年有楊炯王勃盧照鄰駱賓王並以文章見稱吏部侍郎李敬玄咸為延譽引以示裴行儉行儉曰才名有之爵祿蓋寡楊應至今長餘並鮮能令終是時蘇味道王勃未知名因調選遂為行儉深禮異仍謂曰有晚生子息恨不見其成長二公十數年當居衡石願識此輩其後果如其言行儉嘗所引偏裨將有程務挺張虔勗崔智譽

方翼党金毗劉敬同郭待封李多祚黑齒常之盡為名將

出唐會要

三人優劣

長壽二年裴子餘為鄆縣尉同列李隱朝程行誼皆以文法著稱子餘獨以詞學知名或問雍州長史陳崇業三人優劣孰先崇業曰譬之春蘭秋菊俱不可廢

劉奇

證聖元年劉奇為吏部侍郎注張文長司馬鎰為監察御史二人因申屠瑒以謝之奇正色曰舉賢本自無私二君何為見謝

出唐會要

狄仁傑

聖曆初狄仁傑為納言頗以藻鑒自任因舉桓彥範敬暉



崔玄暉張柬之袁恕已等五人後皆有大勲復舉姚元崇等數十人悉為公相聖曆中則天令宰相各舉尚書郎一人仁傑獨薦其子光嗣由是拜地官員外蒞事有聲則天謂之曰祁奚內舉果得人也出唐會要

鄭果

聖曆二年吏部侍郎鄭果注韓思復為太常博士元稀聲京兆士曹嘗謂人曰今年掌選得韓元二子則吏部不負朝廷矣出唐會要

薛季昶

長安三年則天令雍州長史薛季昶擇僚吏堪為御史者季昶以問錄事參軍盧齊卿齊卿舉長安縣尉處懷慎李體光萬年縣尉李義崔湜咸陽縣丞倪若水藍屋縣尉田

崇壁新豐縣尉崔日用後皆至大官出唐會要

鄧渴

弘道元年十二月吏部侍郎魏克已銓綜人畢放長榜遂出得留人名於是衢路喧嘩大為冬集人授引指擿貶為太子中允遂以中書舍人鄧玄挺替焉又無藻鑒之日及患消渴選人因號鄧渴出唐會要

李至遠

如意元年九月天官郎中李至遠權知侍郎事時有選人姓刁又有王元忠並被放乃密與令史相知減其點畫刁改為丁王改為士擬授官後即添成文字至遠一覽便覺曰今年銓覆萬人忽識姓名安有丁士者哉此刁某王某也省內以為神明出唐會要

張文成

唐張文成曰乾封以前選人每年不越數千垂拱以後每歲常至五萬人不加衆選人益繁者蓋有由矣嘗試論之祇如明經進士十周三衛勳散雜色國官直司妙簡實材堪入流者十分不過一二選司考練總是假手員名勢家囑請手不把筆卽送東司眼不識文被舉南館正員不足權補試攝檢校之官賄貨縱橫賊污狼籍流外行署錢多卽畱或帖司助曹或員外行案更有挽郎輦脚營田當屯無尺寸功夫並優與處分皆不事學問唯求財賄是以選人冗冗甚於羊羣吏部喧喧多於蟻聚若銓實用百無一人積薪化薪所從來遠矣

出朝野僉載

鄭情崔湜

唐鄭情爲吏部侍郎掌選賊污狼籍引銓有選人繫百錢於鞞帶上情問其故答曰當今之選非錢不行情默而不言時崔湜亦爲吏部侍郎掌銓有選人引過分踈云某能翹關負米湜曰若壯何不兵部選答曰外邊人皆云崔侍郎下有氣力者卽得

出朝野僉載

糊名

武后以吏部選人多不實乃令試曰自糊其名暗考以定等第判之糊名自此始也武后時投匭者或不陳事而有朝諶之言於是乃置使先閱其書奏然後投之匭院有司自此始也

出國史異纂

太平廣記卷第一百八十五

太平廣記卷第一百八十六

斜封官

盧從愿

韋抗

張仁愿

杜暹

魏知古

盧齊卿

王丘

崔琳

裴光庭

薛據

李林甫

張說

張奭

楊國忠

陸贄

鄭餘慶

裴遵慶

李絳

李建

崔安潛

斜封官

唐景龍年中斜封得官者二百人從屠販而踐高位景雲踐祚尚書宋璟御史大夫畢構奏停斜封人官璟構出後見鬼人彭卿受斜封人賄賂奏云見孝和怒曰我與人官

何因奪却於是斜封皆復舊職偽周革命之際十道使人  
天下選殘明經進士及下村教童蒙博士皆被搜揚不會  
試練並與美職塵黷士人之品誘悅愚夫之心庸才者得  
官以為榮有才得官以為辱昔趙王倫之篡也天下孝廉  
秀才茂異並不簡試雷同與官市道屠沽亡命不軌皆封  
侯略盡太府之銅不供鑄印至有白版侯者朝會之服貂  
者大半故謠云貂不足狗尾續小人多幸君子耻之無道  
之朝一何連類也惜哉出朝野  
僉載

### 盧從愿

景雲元年盧從愿為侍郎精心條理大稱平允其有冒名  
偽選虛增功狀之類皆能摘發其事典選六年頗有聲稱  
時人曰前有裴馬後有盧李裴即行儉馬謂戴李謂朝隱

會要

### 韋抗

景雲二年御史中丞韋抗加京畿按察使舉奉天縣尉梁  
昇卿新豐尉王倕金城縣尉王水華原縣尉王壽為判官  
其後皆著名位出唐  
會要

### 張仁愿

景雲二年朔方總管張仁愿奏用監察御史張敬忠何奕  
長安縣尉寇泚鄆縣尉王易從始平縣主簿劉體微分判  
軍事義烏縣尉晁良貞為隨軍後皆至大官出唐  
會要

### 杜暹

景雲二年盧從愿為吏部侍郎杜暹自婺州叅軍調集補  
鄭縣尉後暹為戶部尚書從愿自益州長史朝暹立在盧

上謂之曰選人定何如盧曰亦由僕之藻鑑遂使明公展千里足也出唐會要

魏知古

先天元年侍中魏知古嘗表薦洹水縣令呂太一蒲州司功參軍齊瀚右內率府騎曹柳澤及為吏部尚書又擢密縣尉宋遙左補闕袁暉封希顏伊闕縣尉陳希烈其後咸居清要出唐會要

盧齊卿

開元元年盧齊卿為幽州刺史時張守珪為果毅特禮接之謂曰十年內當節度果如其言也出唐會要

王丘

開元八年七月王丘為吏部侍郎擢山陰尉孫逖桃林尉

張鏡微湖城丞張晉明進士王冷然李昂等不數年登禮

闈掌綸誥焉出唐會要

崔琳

十一年十二月吏部侍郎崔琳銓日收選殘人盧怡裴敦復於號卿等十數人無何皆入臺省眾以為知人出唐會要

裴光庭

開元十八年蘇晉為侍郎而侍中裴光庭每過官應批退者但對眾披簿以朱筆點頭而已晉遂榜選院門下點頭者更引注擬光庭以為侮已不悅時有門下主事閻鱗之為光庭腹心專主吏部過官每鱗之裁定光庭隨口下筆時人語曰鱗之口光庭手出唐會要

薛據

開元中薛據自恃才名於吏部參選請授萬年錄事諸流外官共見宰執訴云錄事是某等清要官今被進士欲奪則某等色人無措手足矣遂罷出撰

李林甫

自開元二十年吏部置南院始懸長名以定畱放時李林甫知選寧王私謁林甫曰就中乞一人林甫責之於是榜云據其書判自合得畱緣屬寧王且放冬集出國史補

張說

中書舍人張均知考父左相張說知京官考特注曰父教子忠古之善訓祁奚舉子義不務私至如潤色王言章施帝載道參墳典例絕常功恭聞前烈尤難其任豈以嫌疑敢撓綱紀考上下出玄宗實錄

張奭

苗晉卿典選御史中丞張倚男奭參選晉卿以倚子思悅附之考等第凡六十四人奭在其首蘇考蘊者為蘊令乃以選事告祿山祿山奏之玄宗乃集登科人於花萼樓前重試升第者十無一二奭手持試紙竟日不下一字時人謂之拽白上大怒貶倚敕曰庭闈之間不能訓子選調之際乃以托人天下為戲談晉卿貶安康出盧氏雜說

楊國忠

天寶十載十一月楊國忠為右相兼吏部尚書奏請兩京選人銓日便定畱放無少長各於宅中引注號國姊妹垂簾觀之或有老病醜陋者皆指名以笑雖士大夫亦遭訛耻故事兵吏部注官訖於門下過侍中給事中省不過者

謂退量國忠注官呼左相陳希烈於坐隅給事中行列於前日既對注擬卽是過門下了希烈等腹排而已侍郎韋見素張倚皆衣紫與本曹郎官藩屏外排比案牘趨走語事乃謂簾中楊氏曰兩箇紫袍主事何如楊乃大噓選人鄭附會其旨與二十餘人率錢於勤政樓設齋簾爲國忠立碑於尚書省南所注吏部三銓選人專務鞅掌不能躬親皆委典及令史孔目官爲之國忠但押一字猶不可遍出唐續會要

### 陸贄

貞元八年春中書侍郎平章事陸贄始復令吏部每年集選人舊事吏部每年集人其後遂三數年一置選選人併至文書多不可尋勘真偽紛雜吏因得大爲奸巧選人一

或十年不得官而官之闕者或累歲無人贄命吏部分內外官員爲三分計闕某人歲以爲常其弊十去七八天下稱之出唐會要

### 鄭餘慶

劉禹錫曰宣平鄭相之銓衡也選人相賀得入其銓劉禹錫曰予從弟某在鄭銓注湖州一尉唱唯而出鄭呼之却廻曰如公所試場中無五六人一唱便受之此而不獎何以銓衡公要何官去家穩便曰家住常州乃注武進縣尉選八翁然畏而愛之及後作相過官又稱第一其有後於魯也又去陳諷張復元各注畿縣請換縣允之旣而張却請不換鄭榜子引張纔入門已定不可改時人服之出嘉話錄

### 裴遵慶

裴遵慶罷相知選朝廷優其年德令就第注官自宣平坊  
榜引士子以及東市兩街時人以爲盛事出國史補

李絳

長慶初吏部尚書李絳議置郎官十人分判南曹吏人不  
便旬日出爲東都畱守自是選曹成狀常速畢出國史補

李建

李建爲吏部郎中常曰方今秀茂皆在進士使僕得志當  
令登第之歲集於吏部使尉繫縣旣罷復集稍尉望縣旣  
罷乃尉畿縣而升於朝大凡中人三十成名四十乃至清  
列遲速爲宜旣登第遂食祿旣食祿必登朝誰不欲也無  
淹翔以守常限無紛競以來奔捷下曹得其循舉上位得  
其更歷就而言之其利甚博議者多之出國史補

崔安潛


崔安潛東洛掌選時選人中不能顯其名姓竊顧雲啓事  
授獻者崔公不之知大賞歎召之與語便注一起資縣令  
後有人白崔公方悔出國史補



翁齊人白道公大人

封熹普公

翁安林東



翁齊人白道公大人  
封熹普公  
翁安林東

